



Венгрия томонинг таклифига биноан, Ўзбекистон Республикаси Президентини Шавкат Мирзиёев 3 октябрь куни расмий ташриф билан ушбу мамлакатта жўнаб кетди.

Президент матбуот хизмати хабарига кўра, ташриф дастурига мувофиқ Будапешт шаҳрида Венгрия Президентини Каталина Новак билан учрашув ва бош вазир Виктор Орбан билан музокаралар режалаштирилган.

Давлатимиз раҳбарининг «Тадбиркорлик субъектларининг экспорт салоҳиятини янада кенгайтириш чора-тадбирлари тўғрисида»ги фармони қабул қилинди.



Ўзбекистондаги Ислам цивилизацияси маркази (ИЦМ) директори Шоазим Миноваров бошчилигидаги мамлакат делегацияси Дохага ташрифи доирасида Қатар Ислам санъати музейи директори ўринбосари Шайх Носир ан-Носир ва Ҳамад бин Халифа университети Ислам тадқиқотлар факультети декани Ражаб Шентурк билан музокаралар ўтказди, деб хабар бермоқда «Дунё».

Ташқи ишлар вазирлигида Норвегия элчиси (қароргоҳи Осло шаҳрида) Жон Квистад билан учрашув бўлиб ўтди.

Ўзбекистон инновацион ривожланиш вазир Иброҳим Абдурахмонов бошчилигидаги делегация Токиода Япония Халқаро ҳамкорлик агентлиги катта вице-президенти Кеичиро Наказава билан учрашди.

«Ватандошлар» жамоат фонди ҳамда Ташқи меҳнат миграцияси агентлиги ходимларидан иборат Ўзбекистон делегациясининг Жанубий Кореяга амалий ташрифи доирасида Чунгчон-пукто провинцияси мэри Ким Ёнг Хван билан учрашув ташкил этилди.

«Uzbekistan GTL» заводи дунё нефть-газ ва кимё саноати соҳасидаги энг нуфузли мукофот, жаҳон энергетика саноатининг «Оскар» мукофоти сифатида эътироф этилган «2022 Platts Global Energy Awards» – АКШнинг «S&P Global» нуфузли ҳакамлар хайъати томонидан «Углеводородларни қайта ишлаш соҳаси ва кимё саноатидаги улкан ютуқлари учун» номинациясида дунёнинг етакчи корхоналари қаторида номзод сифатида танланди.

Интернет хабарлари асосида тайёрланди

Ўзбекистон касаба уюшмалари Федерацияси нашри • Газета 1991 йил 21 мартдан чиқа бошлаган



www.ishonch.uz @ ishonch1991@yandex.uz <https://www.facebook.com/ishonch.gazetasi> <https://t.me/ishonchgiz>

Халқ таълими вазирлигига!



МАБЛАҒНИ ТЕЖАЙМИЗ ДЕБ, БИЛИМНИ ГАРОВГА ҚЎЙМАЯПМИЗМИ?

Вазирлар Маъжасининг 2022 йил 2 августдаги 425-сонли қарори билан Ўзбекистон Республикаси ҳукуматининг айрим қарорларига ўзгартириш ва қўшимчалар киритилган. Жумладан, 2005 йил 21 декабрдаги 275-сонли қарорининг 4-бўлими 22-банди қўйиладиган талқин қилинган: «Бўлиб ўқитиладиган фанлар бўйича гуруҳлардан бирининг ўқитувчиси турли сабаблар тўғрисида дарсда бўлмаган ҳолатларда гуруҳлар қўшиб ўқитилади ҳамда қўшиб ўқитилганлиги учун қўшимча ҳақ тўловлари амалга оширилмайди».

Маълумки, умумтаълим мактабларида жисмоний тарбия (8-синфдан бошлаб ўғил ва қиз болалар гуруҳига бўлинади), информатика, рус тили, технология (5-синфдан бошлаб

ўғил ва қиз болалар гуруҳига бўлинади), чет тиллари бўлиб ўқитилади.

Республикадаги айрим мактабларда чет тиллари инглиз – немис тиллари ёки инглиз – француз тиллари гуруҳла-

«Ishonch» саволи

рига бўлиб ўқитилади. Айтайлик, инглиз тили фани ўқитувчиси турли сабабларга кўра дарсда бўлмас (касалиги, малака оширишга кетгани, 2 йил бола тарбияси учун таътил олгани сабабли), болалар немис тили ўрганишадими? Ёки француз тилининг ўрнига инглиз тили ўқитиладими?

Тахририятимизга келиб тушаётган мурожаатларга кўра, шу кунларда хорижий фан ўқитувчиси маълум сабабга кўра дарсда бўлмаган айрим мактабларда бундай муаммолар юзга келмоқда.

Баъзи мутасаддилар, айтиб назоратда ечим сифатида синфга тўлиғича инглиз тили ўқитишни масъула бераётган экан. Бу масалага ечим бўла оладими? Олти-етти йил немис тили ўқиган бола, саккинчи синфдан инглиз тили ўқий болашини қандай тасаввур қилиш мумкин? Ёки аксинча? Қолаверса, бу бола ҳуқуқларини чеклаш эмасми? Устига-устак, бу немис, француз тилларини ўқитиш қисқаришига олиб келмайдими? Унда бу фанлар бўйича ўқитувчилар тақдирини нима бўлади? Фарзандларимиз инглиз тилидан ташқари яна ўнлаб тилларни билишса, бу мамлакатимиз иқтисоди, келажоғи учун ҳам яхши эмасми?

Шундай экан, Вазирлар Маъжаси қарориди ушбу бандни фанлар икки тилга бўлиб ўқитиладиган мактабларга татбиқ қилмаган маъқул. Ҳар ҳолда, бир-икки сўм маблағни иқтисод қилиш учун ёш авлоднинг билим даражасини (шундоқ ҳам аҳвол маълум) гаровга қўйиш адолатдан эмас!

Муҳаббат ТЎРАБОЕВА
«ISHONCH»



Тошкент шаҳри

Тадбир

МУНОСИБ ЭЪТИРОФ ВА РАҒБАТ

Ўзбекистон касаба уюшмалари Федерациясининг Тошкент шаҳар кенгаши томонидан ёз мавсуми ҳамда кўрик-танловлар якунларига бағишланган маросим ўтказилди. Квартет ансамблининг хушнаво кўйи остида бошланган тадбирни Федерация раиси ўринбосари, Федерациянинг Тошкент шаҳар Кенгаши раиси Сайфулло Аҳмедов кириш сўзи билан очди.

Касаба уюшмалари аҳолининг ижтимоий ҳимояга муҳтож қатламларини моддий-маънавий жиҳатдан қўллаб-қувватлаш, жамиятда ўзаро ҳамжихатлик, меҳр-оқибат ва хайр-саховат муҳитини мустаҳкамлаш мақсадида хайрли ташаббусларни илғари суради. Шулардан бири «Аёллар дафтари» доирасида амалга ошириладиган ишлардир. Тадбирда айтилган юртиб, бошқаларга ибрат бўлаётганлар муносиб тақдирландилар.

Маҳалла жамиятининг жонли томирлидир. Маҳаллалар тинч-осойишта бўлса, мамлакат ҳам ободдир. Бу борадаги ишларни янада ривожлантириш ниятида республика бўйлаб ўтказилган олтита кўрик-танловнинг Тошкент шаҳар босқичлари нихоясига етди. Якуний ҳулосаларга кўра, Ҳилола Усмо-

нова «Энг намунали иш берувчи аёл», Нодира Абдуллаева «Энг яхши хотин-қизлар фаоли», Тамара Бакирова «Энг яхши маҳалла раиси» кўрик-танловининг ғолиблари деб топилди. Дилшод Сайпов «Энг яхши ёшлар етакчиси» кўрик-танловининг шаҳар босқичида муваффақият қозонган бўлса, Дилноза Умарова «Энг яхши ҳоким ёрдамчиси», Алишер Қораев «Энг яхши сектор раҳбари» кўрик-танловои соғирдорига айланди.

Ўғил-қизларимиз бу йилги ёз мавсумида ҳам дам олиш масканларида мароқли ҳордиқ чиқаришди. Бунинг учун касаба уюшмалари томонидан барча шарт-шароитлар яратиб берилди. Бу ишга болаларни ёзги дам олдириш ва соғломлаштириш оромгоҳлари масъул ходимлари ҳам катта ҳисса қўшдилар. Тадбир жараёнида уларнинг меҳнат-

лари алоҳида эътироф этилди.

Йигирма бешта номинация бўйича ғолибларнинг барчасига совғалар топширилди. Чунончи, «Оқтош» болалар соғломлаштириш оромгоҳи (БСО) ходими Рустам Рўзметов «Йилнинг энг ғамўру етакчи тарбиячиси», «Зилола» БСО ходими Гулал Пўлатова «Йилнинг энг мохир тўғрақ раҳбари», «Радуга» ҳамда Беруний номидаги БСО ходимлари Тофик Бурнашев ва Алишер Закиров «Йилнинг энг яхши спорт йўриқчиси» номига сазовор бўлишди. «Баркамол» БСО раҳбари Дилшод Тиллаҳаджаев, «Алоқачи» БСО раҳбари Шахло Муруқолова «Йилнинг энг яхши оромгоҳи бошлиғи» мақомига эришдилар. «Йилнинг энг намунали стационар болалар оромгоҳи» номига «Оқтош», «Сокол» ва «West camp» БСОлар лойиқ қўрилди. Шунингдек, ҳамкор ташкилотлар ҳам ютуқларига яраша мукофотландилар.

Тадбир куй-қўшиқлар, дилбар рақслар ҳамроҳлигида файзли ва тароватли руҳда ўтди.

Умид **ХУДОЙБЕРГАНОВА**
«ISHONCH»

Келгуси сонларда ўқинг...



ҲОКИМЛАРДАН КИМ БИРИНЧИ? газетани-ку ўқимабсиз, расмий хатни ҳам кўрмайсизми?

ЖАВОБИНИ КУТАЁТГАН САВОЛЛАР

Диққат, эълон!



Ўзбекистон касаба уюшмалари Федерациясининг МЕҲНАТ ВА ИЖТИМОЙ МУНОСАБАТЛАР АКАДЕМИЯСИ

2022-2023 ўқув йиллари учун сиртқи таълимнинг бакалавр йўналиши бўйича абитуриентлар қабулини эълон қилади.

Ўзбекистон Республикаси Президентининг 2021 йил 23 августдаги «Меҳнат ва ижтимоий муносабатлар академиясини ташкил этиш тўғрисида»ги қарорига мувофиқ ташкил этилган ва Марказий Осиёда ягона бўлган мазкур нодавлат таълим муассасаси меҳнат ва ижтимоий муносабатлар соҳасига олий маълумотли етуқ кадрларни тайёрлайди.

Хусусан, 2022-2023 ўқув йилидан бошлаб Меҳнат ва ижтимоий муносабатлар академиясининг Меҳнат соҳасини бошқариш факультетига:

- Меҳнат муҳофазаси ва техника хавфсизлиги (тармоқлар бўйича);
- Ҳаёт фаолияти хавфсизлиги;
- Инсон ресурсларини бошқариш;
- Ижтимоий иш;
- Психология;
- Менежмент;

Юриспруденция йўналишида таълим олиш учун сиртқи таълимнинг бакалавр йўналишига талабалар

қабул қилинади.

Академияда ўқиб ўзбек ва рус тилларида тўлов-контракт асосида олиб борилади.

Қабул имтиҳонлари белгиланган тартибда ҳудудлар кесимида амалга оширилади.

Ҳужжатлар 2022 йил 25 сентябрдан 25 ноябргача академиянинг atso.mdg.uz веб-сайти орқали қабул қилинади.

Қабул жараёни тўғрисида батафсил маълумотларни (71) 265-01-64, (71) 265-01-54 телефон рақамлари орқали олишингиз мумкин.

Қашқадарё вилояти

Эсингизда бўлса, бундан биров аввал ижтимоий тармоқларда Яккабоғ туманидаги Кунжутлителипа археологик ёдгорлиги маҳаллий фуқаро томонидан бузиб ташлангани ҳақидаги хабар тарқалган ва мунозараларга сабаб бўлганди.

Шундан сўнг берилган баёнотларда қайд этилишича, фуқарони мутасаддилар тепанинг қиймати билан ёдгорлик экани, бу худуддан тупроқ олиш мутлақо мумкин эмаслигидан огоҳлантириганига қарамай, у писанд этмаган.

Ўзи Қашқадарёда Кунжутлителипа сингари ёдгорликлар нечта ва улар қандай муҳофаза қилинмоқда? Яккабоғдаги сингари воқеалар такрорланмаслиги учун қандай чора-тадбирлар ишлаб чиқилди?

Шу каби саволларга жавоб топиш учун Туризм ва маданий мерос вазирлиги ҳузуридаги Маданий мерос агентлигининг Қашқадарё вилояти маданий мерос бошқармасида бўлдик.

Маълум бўлишича, вилоятда 1468 та маданий мерос объекти давлат рўйхатига киритилган. Улардан 1197 таси археология, 208 таси архитектура объекти, 35 таси монументал ҳайкал, 28 таси эса диққатга сазовор жой-

МУАММОНИНГ ИЛДИЗИ ҚАЕРДА?



Фарғона вилояти

Олтиариқда узуми йўқ хонадон бўлмагани каби Фарғона туманида ҳам малина экилмаган ҳовли-жойни деярли учратмайсиз. Сугаги меҳнатда қотган Элёрбек Нишонов ҳам катта тажрибага эга миришкор дехқонлардан. Малина экиб, боғ яратмоқчи бўлган киши борки, албатта, унинг маслаҳатини олади.



15 СОТИХДАН 30 МИЛЛИОН СЎМ ДАРОМАД

Ишсиз юрган хотин-қизларнинг бандлигини таъминлаш, уларнинг рўзгорига барака олиб киришни ният қилган Элёрбек Нишонов «Vodil Raspberry market» малиначилик кооперациясига асос солди.

– Туманимиз одамлари орасида меҳнатдан қочадигани йўқ. Шундай бўлса-да, ишсиз юрганлар йўқ эмас, – дейди Элёрбек Нишонов. – Яратилган шароитлардан фойдаланиб малиначилик кооперациясини ташкил этиб, 80 нафар ишсиз хотин-қизни аъзо қилдик. Ҳозир уларнинг ҳар бирига экин майдони ажратиб берилган.

Эрта баҳорда қадалган малина кўчатлари беҳато униб чиқди. Кейинги йилдан ҳосил беришни бошлайди. Аини кезларда унинг 1 килоси 45 минг

сўмдан сотилмоқда. Агар яхши парвариш қилинса, малина экилган 15 сотих майдондан 30 млн. сўмгача даромад олиш мумкин. Энг асосийси, малина пишганда уни ўзимиз бозор нарҳида сотиб оламиз. Шу орқали кооперация аъзоларининг рўзгорига барака олиб киришни ният қилганмиз.

Туманда малиначилик кооперациялари ва кластерининг йўлга қўйилиши аҳоли учун аини мудоа бўлди.

– Кооперацияга аъзо бўлиб кам бўлмадим. Гарчи бу йил малинадан ҳосил олмаган бўлсам-да, қатор ораларига картошка экиб, яхшигина даромад эгасига айландим. Сўнг левия эким, – дейди Дилафрўз Фазлидинова. – Насиб қилса, келаси йил малиналар ҳосилга қиради. Бу эса даромадимизга даромад қўшади. Қолаверса, кооперацияда меҳнат қилиб, малинадан янада кўпроқ ҳосил олиш бўйича зарур билимларни ҳам эгаллаб боряпмиз.

Туманда, шунингдек, «Водил Довудбек» мева-сабзавотчилик кластери қошида 41 гектар майдонда малиначилик кооперацияси ташкил этилган бўлиб, 280 нафар хотин-қизнинг бандлиги таъминланган.



Жамшид ЭРГАШЕВ «ISHONCH»

Томорқа – ҳазина

Денов туманидаги Чўнтош маҳалласида яшовчи Абдурахим Очилов 43 йилдан буён «Тўпаланг – Қоратоғ» ирригация тизимлари бошқармасида муҳандис-гидротехник бўлиб ишлайди. Маоши у қадар баланд эмас. Лекин бориға шукр қилади. Қолаверса, имкон туғилиши биланоқ қўлига кетмон олиб, томорқасига қиради. Унда турли маҳсулотлар етиштириб, оиласи эҳтижларини қондиради, ортиқчасини бозорга чиқаради. Топган пулига янги ўйлар қўради, қўша-қўша машиналар олади, тўйлар қилади.

Зеро, томорқа бу оила учун ҳам даромад манбаи саналади. Шу боис турмуш ўртоғи Зубайда опа ҳам, ўғиллари Шерзод, Бекзод, Тўрабек ва келинлари Замира, Моҳичехра, Шаҳноза ҳам ишдан бўш вақтларида томорқа оралаб, Абдурахим ака тайинлаб кетган юмушларни бажаришади.

Улар илгари бошқа маҳалладошлари қатори қулупнай етиштиришарди. Бундан ўн йилча бурун томорқанинг 10 сотихлик қисмида малина (хўжағат) ҳам парваришлай бошлашди. Тутсимон, майда ва тўқ қизғиш рангли мева берадиган бу ўта нозик ўсимликни ўстириш ва мўл ҳосил олиш машаққатлари қулупнайникидан асло кам эмас. Унинг тагини доимий равишда юмшатиб туриш, гўнг ва маъданли ўғитлар солиб, тез-тез сугориб туриш керак. Тикани кўплиги боис мевасини териб олиш ҳам анча мушкул.

Шунга қарамай, оила аъзолари малина етиштиришнинг урдасидан чиқашди. Биринчи йилиёқ яхшигина даромад орттиргач, фаолиятларини кенгайтиришга аҳд қилишди. Аини мақсадда ўзлари ўстирган хўжағатнинг серҳосил шохларидан кўчат тайёрлаб, 22 сотих майдонга ўтқазилди. Кейинчалик маҳалла фаоллари кўмағида «Яккатут» фермер хўжалигига қарашли бўлган, лекин фойдаланилмай ётган 50 сотих ерга ҳам эга бўлишди. Ҳозир қарийб бир гектар майдонда малина ва қулупнай парваришлашаяпти.



ХЎЖАҒАТ етиштиришнинг ҳадисини олганлар

– Хўжағат кўчати учун зарур қаламчаларни томорқамизда ўсаётган буталарнинг серҳосил шохларини кесиб тайёрлаймиз, – дейди Абдурахим ака. – Уларни ҳар йили кўклам бошида ва куз охирларида ерга қадаймиз. Март ойда экилгани ноябрда, ноябрда экилгани майда ҳосил беради. Ортиб қолган кўчатларимизни қўни-қўшниларга тарқатамиз.

Биз оила томорқасини кузатдик. Узунлиги 50, эни 1 метрлик эггалар орасида 20-25 сантиметр жой қолдириб экилган малина бў у т а л а р и яхши қаралгани сабабли гўж-гўж ҳосил туккан. Меваси ҳар икки-уч кунда териб олинади. Эрта баҳордан то қиш бошлангунча салкам 5 тонна маҳсулот бозорга чиқарилади. Умумий даромад 120 миллион сўмни ташкил этади.

Бу йилги натижалар ҳам салмоқли бўлмоқда. Май ойидан ҳозиргача 3 тонна хўжағат 60 миллион сўмга сотилди. Оила аъзолари йил охиригача яна шунча даромад орттиришни кўзлаб туришибди. Лекин ўзлари ҳосил теримига аралашмадилар. Харидор –

«Буюк Ипак йўли» маҳалласида яшовчи тадбиркор Сожида Тилакова хўжағатни ўғиллари билан бирга териб олиб ва пластмасса қутиларга жойлаб, вилоятдаги бозорларга етказиб беради. Хонадон бекаси Зубайда опа эса келинларига бош бўлиб, ҳар мавсумда бу мевадан 500 банка мураббо тайёрлайди. Шамоллашга ва тумовга қарши табиий даво ҳисобланган бу қиёмнинг истезмолчилари жуда кўп.

Абдурахим Очиловнинг айтишича, сувсевар малина унумдор ерларда яхши ҳосил беради. Шу жиҳатдан олганда, «Чўнтош» маҳалласи атрофидаги далалар уни ўстиришга жуда қўлай. Ариқларда доимо тиник ва зилол сув оққани учун малина йирик мевалар туғади.

Абдурахим Очилов малинадан мўмай даромад орттираётганини эшитган маҳалла аҳлининг ақсариятида ўз томорқасида хўжағат парваришлагга қизиқиш уйғонди. Ҳозир ён-атрофдаги 35 та оила шу иш билан шуғулланмоқда.

– Маҳалламиз ҳудудидан оқиб ўтувчи «Чилмироз» каналининг юқори қисмида бўш ётган лалии ерлар бор, – дейди туман ҳокимининг маҳалладаги ёрдამчиси Шерзод Бўронов. – Эндилкида «Агрофрут» МЧЖ ишбилармонлари Беларусьдан 160 минг туп серҳосил малина кўчатларини келтириб, ўша майдоннинг беш гектарига экишга ҳозирлик кўришяпти.

Акмал АБДИЕВ «ISHONCH»



Сурхондарё вилояти

ЭЪЛОН

